

Pātos itohwah Miti Mātsokawin

Nina Lee Aquino

Oma kā kakwecimikaweyan tānihkih oma kā totaman oma esa ka totamān, ekosi māna nitsi naskwewasihtān: nawac ka niwāsik oma askiy ita kā pimātsiyahk. Ekosi māka tāpwe e-tāpwihtamān kā nanāspitahkih oma kā kih meskwacsihtāniwik oma askiy. Ewako māka tapwihtamiwin– ahtih etoke ohci – osām e-wihcasik, ahpo e-kakepātsihk mena osām mistahi e-itwihk . māka ewako oma wāyaw e-isi pimpatāyān; e-kakweskwatāyān mena e-kakwecimakihk kotakak kā osihcikecik kā wecewākaniyān ka weci pimpahtāmicik.

Neya wiyochi, ekosi oma mosise.

Nanāspitākewin e-sepiyayak mena e-ati opikihk keyām āta mistahi e-ayimahk ta kiyāpic ihtakwahk āhpo ka apatahk. Kitocikān ka nitotamihk, cikāstepicikan ahpo cikāstepayihcikan, ohi mena nanātohk isi metawewina miswete ka nokwahk āpahcicikana kāpatahki. Ewako oma piko osihcikewin, anima isi ka isiyayak, mitoni piko **kihcināc** ka kitāpahtamihk. E-nitaweyimikowahk ka asapiyahk, e-kanawapakihk ke ispayik ote ispinihk. Ekwa oma kā māmitonihyhtaman, mitoni anima e-mamahtawisihmākahk. Kā astayahk kekwāy tahkoc ekota eyiniwak ka pitohtecik. Ahpo etoki e-weciwākanihtocik e-nihpāhtecik, ahpo etoki mena e-wahkotocik e-kitapamācik aweya e-sākihācik e-metaweyit, ahpo etoki ekoosi ka wapamikocik ... moya nāntaw. Oma waskotenikana ka ewaseki ekwa māka ka āstaweki, ka pasikowahk e-māmawī wecihitok oma kih tihtāwinahk, e-miciminikihk oma acimowin ka ati pāskihtepayik.

Ota tahkoc (kayāsi ahpo eka kayāsi) oki ka nitotahkik tāpiskoc māka peyak , māka e-wecihiwecik ohi:

acimowina ka wāpatahikowak

māskisiwina

acimowina ka wāpatahikowak

maskihkiy

acimowina ka wecihikowahk ka wanikisihsiyahk askiy

wayawihtimāyi kāyak

acimowina ka kiskisomikowahk wayawihtimihk

acimowina ka tāwahokowahk katānahk

acimowina ka tāwiskākowahk

pihcāyih

acimowina ka kiskinahamākowahk

acimowina ka kāsehamahk kekwāy e kiskihyitamahk

acimowina ka kewepitikowahk otānahk, e-kiskisomikowahk oma eyikohk wāyaw e-pih itoteyahk

acimowina ka nekān isiwepahokowahk mena kā māmitoniyitamihk

Kahkiyaw ewakoni e-kihcāpatahki; kā sākaskineki ohi apiwina ka miwiyitahkik nanāspitākewin ohci ka maskawāki tāpwihtamiwina– nanāspitākewin ka sihtoskākek mena anima ka ayamihikowahk.

Nih kih wāpahten nesta ka tocikāteki – ka misāki wāskahikana , e-apisāsiki wāskahikana, ahpo ekā waskahkan kekwāy – māka ita oma kā papāmi metawiyān, ewakoma tāpwe: ka pihtokeyan tāpiskoc peyak awayak ekwa oma kā wayawiyān tāpiskoc kotak. Kapih. Peyakwāw. Ka kih Pastamon. Tāhto Tipahikan. Ekosi oma nanāspitakewin e-totākowin; e-nohtenikowin itamihk ahpo e-wihtamākowahk kihci kekwāy ike wanikiskisihyahk keyānaw ohci mena oki kotakak oma mena askiy. Kespīn mena kih kiskihyihthenānaw ahpo moya, kih pih wayawānānaw petos isi, e-meskwatascikeyahk, e-ahtascikiyahk. Mitoni moya kih ke yihyān, ka māmitonihyhtaman. Eyikohk oma e-sohkisiyahk oma askiy.

Ahpo ekosi ewako ohci ka wihcasik ka nistotamihk kekwāy ohci ka kihcāpatahki ka pekswatamihk oma nawac ka miywasik nawac ka pa petos mecetihk nanāspitakewin ... kekwāy ohci oma atih keyānaw e-sohki atoskātamahk oma kekwāy kitatoskewinahk. Wāyaw nawac e-itohtemakahk oma mena

masinahikewins ahpo soniyāw ka miskomiht okimāwinihk ohci ka kih kācihtiniht. Awasime mena e-itotemakahk mena oma kā naskomowahk "...oma ohci otenaw ita kā wekiyahk..." pā petos ohi ācimowin pā petos ka kih totamowina kaskihowina ; e-isi miskweyitamihk kā ācimowahk kā pāsketenamahk naskomowina anih ekā kā kih naskomonāniwik, ka kih ati ispayiw

Mena petos oskiyi kekwāy isi totamiwin, ekā e-iskwāk isi itāpiwin mena e-kihtwām cihkeyitamihk oma kā isi nekān wāpatamihk mistahi nawac mena awasispih.

Ekosi, ayis māka, anima atoskewin kā kih miyikaweyahk neyanān ometawewak: kā kakwecimāyāhkik eyiniwak, nitihtāwinahk, nih weci otenāmak, kā māmawi kiskihyihitamihk; semāk kekwāy itāmihk mena e-kihcāpatahk. Nih kiskisomānānak eyiniwak eyikohk e-misāk oma mena e-kihcāpatak kā eyinewihk. Mena keyām āta āskaw e-sākocihikoyak ohi kātawākiyahk keskipicikana mena oma kā isi kakhcimikaweyahk mena kā miyikaweyahk e-acāhkosiweyahk, ekosi e-miskwatonikeyahk kotak kekwāy e-kihcāpatahk. Petos oma e-itsi mācsikeyahk mitihik.

Oma kekwāy kā atoskātamahk tāhkohc āhpo awasew ita kā tāhkotastek; e-wihtamātowahk oma kekwāy, kihci kekwāy e-wihtamahk. Kā kih kiskisomitahk āhpo māka kā wecihitahk kā wanikiskiseyan. Nih ka kih wihkokānān, ka tepwātāyāhkik kotakak kā wecihiwecik. Nih ka kih sihkiskākānān ekwa mena kā wāstenamākeyahk. Nih ka kih wesāwitenān āhpo ka kih peyahtakiyahk. Nanāspitākewin metawewin, māna kayās, mistahi kih wecihiwemakan kih pimātsiwinahk otenahk. Māka keyāpic mistahi ka kih wecihiwemakan kespina oma kakh māmaw itweyahk ka pakitinamahk ekosi kā ispayik. Ekosi anima kā isi mistakihtamahk.

Ka otiskawikāpaweskamihk ohi ka ayimāhki kākiyaw kā nistaweyicikyahk, niya tāpitaw nisi tāpwihten e-sohkahk nitatoskewin; e=sohkahk oma metawewin nanāspitākewin kā kih sohkiskākowahk kākiyaw eyiniwak. E-pakahkināhkwak māka oma kātoskātamahk kā metaweyak nanāspitakiwin moya ceskwa kisipipayin.

Ahpo mena okitāhpāhkewak oki 10 ahpo 100 ahpo etoki 10,000 ... nih ka kaskihonān, mena ekosi nih ka kih totenān, ka kweskinamahk oma ota askiy.